

1928

برنجی جلد

0534

tehl

12


فلسفہ بیلکسی مجموعہ

فلسفہ بیلکسی درنکی عمومی مرکزی طرفندہ نشر اولونور

مدیری :

ضیاء المعبود فخری

خلق بیلکسی درنکی کاتب عمومیس



آنقره

1928

آثار سوزی: هاشم ولی - استانبول، محمود بك مطبعه سی، 1928، كوچوك مجمره 55 صحیفه

سابق سفارت اماملرندن هاشم ولی افندی، شمال و جنوب تورکلرینك بعض مشهور ضرب مثلاریله بیلیمجه لرینی، بر صحیفه لك بر مقدمه علاوه ایدر ك، كوچوك بر کتاب حالنده نشر ایتدی. كتابك مقدمه سی بر طاقم ضرب مثلاری بر آرایه کتیرمك صورتیله یازلمشدر.

«763» ضرب مثل و «23» بیلیمجه دن عبارت اولان بوارده علمی پر تصنیف یوقدر. مؤلف، کتابك ایلک «12» صحیفه سننده اکمه دائر «6»، آچلغه دائر «13»، آته دائر «17»، ایته دائر «19»، قورده دائر «11»، انسانه دائر «10»، دوهه دائر «11»، ضویه دائر «28»، آتسه دائر «17»، ضرب مثل یازمش، فقط، صوکره هر نه دنسه بودوغرو تصنیفدن صرف نظر ایدر ك ضرب مثلاری، حروف هجا صره سیله ترتیبه باشلامشدر.

هاشم ولی افندی، دیوان شاعر لریمزك ایراد ایتدکلری بعض مثلاری ده کتابنه درج ایتمکده در؛ لکن، بونلرک آراسنده یا کلش یازیلا نلرده واردر؛ مثلاً، کتابده «الده استعداد اولونجه کار کندين کوستر» مصراعی «الده استعداد اولونجه ایش کندين کوستر» شکلنده کورولمکده در. مؤلف، یازدینی بیلیمجه لرک جواب لرینی ده ایلک حرف لریله کوستر مش و بوصورتله حل ایتک ایسته ینلر ایچین بر قولایلق تأمین ایتمشدر.

هاشم ولی افندی: شیمدی یه قدار لسانت زده یازیلان مطبوع و غیر مطبوع «ضرب مثل» کتاب لرینی تدقیق ایتسه و اوندن صوکره طویلاد کلرینی نشر ایتسه ییدی شبهه سز داها فائده لی بر اثر وجوده کتیرمش اولوردی. مع مافیه نه ده اولسه مؤلفنی تبریک وظیفه در.

SADETTİN NÜZHET

جوغرافیا تدریس اصولی: در قتر خلیل فکرت - استانبول، اقبال کنخانه سی 1927، ص 128

در نکمزك ارشاد انجمنی رئیس خلیل فکرت بک کچن سنه ایلک معلملره مخصوص «جغرافیا تدریس اصولی» آدی بر اثری چیقدی. اثر، بزده جغرافیایی اوقوتنه طرزنده جذری د کیشکلکار یاپه حق براهیتی حائر در. عمومی هیئت اعتباریله در نکجیلرک محیطی و جغرافی تدقیق لرینک ماهیتی ده کوستریور. بونقطه دن بزی نه قدار علاقه دار ایتسه آزدر. خلق بیلکیمی ایله صمیمی تماسی صورتده اولان بحثلر، دهها زیاده «یورد جیلق» عنوانی آلتنده کی صحیفه لر در.

فرانسزلر «فولکلور»ه عمومیتله ظری و علمی معنا ویریورلر و اوصورتله حرکت ایدیورلر، آلمانلر حسب علم شوقیله یاپیلمسی لازم نظری طرف لرینی ده کوزدن اوزاق طوتماق ایله برابر دهها زیاده «فولکلور»ک علمی و حیاتی نتیجه لرینی آراشدیریورلر. محترم خلیل فکرت بک، مملکتده بونوعدن بر جغرافی تدقیق علاقه سی او یان دیرمغه چالیشیور: «یورد جیلق بحثک خصوصي وظیفه سی، وطن و مملکت فکری ایله مملکت محبتی چوجقلرده معقول بر طرزده جانلاندیرمقدر. «بوك ایچون جغرافیا تدریس اتنده مالزمه نك اهمیت بویوکدر. در نکجیلر بومالزمه بی طویلارکن (س: 38) ده کندیلرینه رهبرک یاپه حق سؤال لری، فهرست ایچنده ده 4، 5، 6، 7، 11 نجی بحثلری محقق کورملی و اوقومالیدر. آنادولو چوجقلرینه مملکت عشق و ملت سوکیسی ویرمک خصوصنده جغرافیادن نصل استفاده ایدیلدیکنی، در نکک طبیعی عضوی اولان ایلک مکتب معلم لرینه «جغرافیا تدریس اصولی» کتابی آچیق بر صورتده کوسترمکده در.